

یوہ آکا شوانی جموں ہے عبدالرحمان تیں خبر سُنو۔

CM ARMY COMMANDER

فوج غی شمالی کمانڈر غا جنرل آفیسر کمانڈنگ ان چیف جی او سی لیفٹیننٹ جنرل پرتیک شرما نے وزیر اعلیٰ عمر عبداللہ سنگ ملاقات کی تانجے اُنہاں نانہ کینٹرول لاین تے جموں و کشمیر غا دوجا سرحدی علاقہ ماتہ موجودہ حفاظتی صورتحال تے حالیہ پیش رفت بارے آگاہ کیو جاسکے لیفٹیننٹ جنرل شرما غے ہمراہ لیفٹیننٹ جنرل پرشانت سریواستو جنرل آفیسر کمانڈنگ جی او سی 15 کور وی موجود تھو وزیر اعلیٰ عمر عبداللہ نے کہیو جے مہاری افواج قوم غی حفاظت ماتہ قابل تعریف کم کر رہی ہیں۔

DY CM NOWSHERA VISIT

حالیہ سرحد پار غی گولہ باری تیں بعد تائب وزیر اعلیٰ سریندر چوہدری نے راجوری ضلع غا نوشہرہ سب ڈویژن غا سرحدی علاقہ غو وسیع دورو کیو اپنا دورہ غے دوران تائب وزیر اعلیٰ نے متاثرہ مکانات غو جائیزو لیو متاثرہ خاندانان سنگ ملاقات کی تے بکھ بکھ مقامات ور مقامی بسنیکاں سنگ بات چیک کی اس دوران اُنہاں نے یقین دہانی کرلی جے حکومت اس نازک وقت ماتہ عوامیسینگ کھڑی ہے تے اُن غی پریشانیان نانہ کہت کرن واسطے بھرپور وسایل فراہم کر رہی ہے اُنہاں نے کہیو جے کینٹرول لاین غے نیرے رہن آلا شہریاں غی حفاظت حکومت غی اولین ترجیح ہے اُنہاں نے مزید کہیو جے سرحدان غے نزدیک لوکان غی حفاظت واسطے مزید انفرادی تے کمیونٹی بنکرز تعمیر کیا جینگا۔

TIRANGA YATRA

اپریشن سندھور غی زبردست کامیابی نے پورا ملک نانہ فخر غو احساس دوايو ہے۔ بھارتی فوج غی بہادری تے حکمت عملی ہر شہری واسطے مثال بن گئی ہے آکاشوانی جموں گا نمائندہ غے مطابق اس کامیابی نانہ خراج تحسین پیش کرن واسطے اج جموں شہر ماتہ ایک ترنگا یاترہ کڈی جے غی۔ بی جے پی غ اجنرل سیکرٹری اشوک کول نے شہریاں تیں اپیل کی ہے کہ شام ۵ بجے اندھرا چوک تیں وکرم چوک توڑی نکلن آلی ریلی ماتہ جوش و خروش سنگ حصول تے توقع ہے کہ جموں غا مختلف علاقہ تیں لوک بڑی تعداد ماتہ شرکت کریں گا۔

CS

جموں خطہ ماتہ حالیہ دنان غے دوران سرحد ور کشیدگی غے پیش نظر چیف سیکرٹری اٹل ٹلو نے اکھنور تے کھوڑ غا سرحدی علاقہ غو دورو کیو تانجے زمینی صورتحال گو براہ راست جائیزو لیو جاسکے اس موقع ور اُن غے ہمراہ ڈویژنل کمشنر جموں رمیش کمار تے ڈپٹی کمشنر جموں سچن کمار ویشیا وی موجود تھا۔ چیف سیکرٹری نے ضلع اکھنور غا علاقہ سوہیل تے بلوال براہمنہ غا اُن پآر سکینٹری سکولان غو معاینو کیو جنہاں نانہ عارضی پناہ گاہاں ماتہ تبدیل کیو گئیو ہے اُنہاں نے متاثرہ خاندانان تیں ملاقات کی اُن گا مسیال سُنیا تے کوارک پانی بجلی تے طبی سہولیات غی فراہمی غو وی جائیزو لیو۔

SCHOOL REOPEN

سکولی تعلیم بارے ڈائریکٹوریٹ جموں نے سرکاری تے نجی دواں قسم غا سکولان غا دوبارہ کھلن تے بند رہن غا بارا ماتہ نوو حکم نامو جاری کیو ہے جہیزو کہ جموں صوبہ غا ۵ ضلعان ماتہ اج تیں موثر العمل ہے آکاشوانی جموں غا نمائندہ غے مطابق جموں ضلع ماتہ واقع ارنیہ، بشنہ، آر ایس پورہ میراں صاحب ستواری مڑھ اکھنور جوڑیاں تے کھوڑ غا علاقہ ماتہ سکول اجیں بند رہینگا جد کہ چوکی چورہ بھلوال ڈنسال گاندھی نگر جموں شہر تے پُر منڈل دونز ماتہ سکول دوباری کھل رہیا ہیں سانہ ضلع غا سانہ رام گڑھ ت گھگوال دونز ماتہ سکول اجیں بند رہینگا جد کہ پُر منڈل تے وجے پور دونز ماتہ اج تیں سکولان ماتہ کلاس دوبارہ شروع ہو جیں گی۔ کٹھوعہ ضلع ماتہ برنوٹی لکھنپور سلن گھگوال تے کٹھوعہ دونز غا سکول اج تیں معمول غے مطابق کم کرینگا جد کہ مڑپین تے بیرہ نگر دونز غا سکول بند رہینگا راجوری ضلع ماتہ منجہ کوٹ ڈونگی نوشہرہ ڈنڈسیر سندر بنی راجوری تے بلجرال دونز ماتہ سکول دوبارہ کھل رہیا ہیں۔ پونچھ ضلع ماتہ منکوٹ مینڈھر بالا کوٹ ہارنی ننگالی منڈی کنویناں ستھرو تے پونچھ زونز ماتہ سکول اجوں دوبارہ نہیں کھلیا ہیں تاہم سرنکوٹ تے بفلایز دونز ماتہ سکول دوبارہ کھولن بارے منظوری دے دتی گئی ہے۔

SMVD YATRA

بھارت تے پاکستان غے بشکار کشیدہ حالات گو اثر شری ماتا ویشنو دیوی یاترہ ور وی پیو لیکن حالیہ فآر بندی تیں بعد حالات ماتہ بہتری آئی ہے تے یاتریاں غی آمد دوبارہ تیں شروع ہو گئی ہے اگر چہ تعداد اجیں کم ہے آکاشوانی جموں گا نمائندہ غے مطابق شرآین بورڈ نے یاتریاں غی سہولیات واسطے مفت آر تی درشن تے

رہائش جیسی سہولیات غو اعلان کیو ہے۔ کثرتا تیں ماتا غا بھون توڑی یاتریاں واسطے سفری انتظامات نانہ
مزید آسان بنایو جارہیو ہے تانجے یاتری دوباری سکون سنگ درشن کرسکیں۔

NCSC TRAINING

جموں مانہہ درجہ فہرست طبقات ایس سی، ایس ٹی واسطے قومی کریر خدماتی مرکز یعنی این سی ایس سی
جہیرو کہ وزارت محنت و روزگار حکومت ہند غے تہت ڈی جی ای غو ایک ماتحت دفتر ہے جموں کشمیر
تے لداخ غ اُن ایس سی، ایس ٹی امیدواراں واسطے مفت تے وظیفہ جاتی کوچنگ و تر بعیت فراہم کرن جارہیو
ہے جہیڑہ کہ نوکریاں غ خواہشمند ہیں اہل امیدواراں نانہ سیول کمپیوٹر سافٹ ویئر تے سیول کمپیوٹر ہارڈویر
اس غی حفاظت یعنی سی ایچ ایم غیر بعیت تے خصوصی کوچنگ سکیم غے تحت ایکسال واسطے دتی جے گی
دلچسپی رکھن آلا ایس سی، ایس ٹی امیدوار دفتری اوقات غے دوران اسی سی، ایس ٹی بارے
قومی کیلر سروس مرکز سنگ رابطو کرسکیں یوہم مرکز روزگار بارے ڈائریکٹوریٹ عمارت غی تیجی منزل
ور جموں کشمیر شانتی شگر ٹوپ شیر خانیہ جموں مانہہ ہے۔

NEWS READ BY ABDUL REHMAN
EDITOR KUNAL SHRIVATSA
TECH ASST CHAKSHU
SKILLED RAJAT
DEO NUSRAT